

Här Mars di Bartolomeo
Presidentvun der Deputéiertechamber
19, um Krautmaart
L-1728 Lëtzebuerg

Lëtzebuerg, den 8. Januar 2015

HärPresident,

Sou wéi d'Chambersreglement et virgesäit, bieden ech Iech, dës parlamentaresch Fro un den Här Staatsminister an un den Här Minister fir bannenzegt Sécherheet weiderzeleeden.

No dem Attentat zu Paräis de 7. Januar 2015 gouf op enger franséischer Radiochaîne gesot, datt permanent illegal Waffnen a Frankräich erageschmuggelt ginn.

Dowéinst wollt ech dem Här Staatsminister an dem Här Minister fir déi bannenzeg Sécherheet dës Froe stellen :

1. Huet d'Lëtzebuenger Regierung Kenntnis vun illegalen Waffnenimporter op Lëtzebuerg oder vun engem Transit vun illegale Waffnen duerch Lëtzebuerg, besonnesch am Zesammenhank mat extremisteschen Organisatiounen oder och Einzelpersonen?
2. Wat sinn europawäit déi wahrscheinlech Routen, souwäit si der Police bekannt sinn, iwwer déi Waffnen an Europa geschmuggelt ginn? Ass Lëtzebuerg do concernéiert?
3. Ass d'Regierung der Opfaassung, dat punktuell a cibléiert Grenzkontrollen illegal Waffengeschäfte an Europa kéinte méi schwéier maachen?
4. Huet d'Lëtzebuenger Regierung Kenntnis vun illegalen Waffentransaktiounen zu Lëtzebuerg?
5. Wat ënnerhëlt déi lëtzebuergesch Regierung fir illegal Waffentransaktiounen oder -transporter an eisem Land ze verhënneren?
6. Wéi stellt d'Lëtzebuenger Regierung sécher, datt keng illegal Waffengeschäfte iwwer d'Finanzplaz Lëtzebuerg finanziert ginn?
7. Wat geschitt an dem Zesammenhank an internationale Gremien, besonnesch am Kader vum Schengen-Accord?

Mat déiwem Respekt,



Fernand Kartheiser
Deputéierten